

四庫全書

集部

欽定四庫全書

集部

文苑英華卷四百

八至十

詳校官庶吉士臣柳邁祖

助教臣常循覆勘

總校官進士臣朱鈐

校對官中書臣胡紹基

謄錄監生臣李維瀛

欽定四庫全書

文苑英華卷四百八

宋 李昉等 編

諸使一

觀察使

授路嗣恭洪州觀察使制

常 袞

勅朕以守將之重兼文武之寄休否得失實繫於茲至
于海隅爰及鰥寡每以康濟為念終夜永懷所以方面
久缺難於授任今大張藩政高選公卿銀青光祿大夫

檢校戶部尚書知省事上柱國陳留縣開國公路嗣恭
以仁義成準以清公致用練法脩制可以宣明紀綱好
謀金節可以協定危難素精吏事連辟宰府一有寧字歷位
忠恪始終秉彝城彼朔方靖我疆土早貳六官之秩再
分五曹之座議刑必中敷教亦寬休望華資積于久次
大江之外封略曠遠用達憂勤之旨屬於親重之臣授
以藩符建茲戎旆仍委廉課俾揚風聲夫潔其流者清
其源正其末者端其本奉爾所守敬無廢命可使持節

都督洪州刺史充江南西道都團練觀察處置等使檢
校戶部尚書及散官勲封如故

授崔灌

舊唐書
作灌

湖南觀察使制

勅刺史案部外廉數州遵俗宣風所繫尤重今海內甫
定方澄化源網理羣縣大明黜陟安人之寄歷選惟難
必二千石職連一作連職者處之朗然明觀以訓天下銀青

光祿大夫前澧州刺史兼侍御史上柱國義豐縣開國
男崔灌嘗守江潭有清靜簡易之化勤儉約已精誠感

物小大之政必窮本於人情叅以事典出言而信出令而從獄訟衰止流庸還定息貪官之豪奪懲大姓之雄強歲無札瘥俗致康乂及澧陽移鎮一其教理故郡黎庶靡然隨之望風欣然如得父母可謂明恕慈惠吏人之師也况本之以經術濟之以忠敬更於臺閣練達朝章而識略沉達可以專方面之任自湘之東制以連率委之監郡兼亦訓戎彼都之人夙所愛慕叅領中憲以綏一方可使持節都督潭州諸軍事潭州刺史兼御史

中丞充湖南都團練守捉及觀察處置等使仍兼充諸道營田副使知本道營田事散官勲封如故

授李栖筠浙西觀察使制

勅王制千里之外設方伯選諸侯賢者而命之俾其遵俗宣風大明黜陟今以刺史條察列郡西漢成式厥惟舊哉銀青光祿大夫常州刺史充本州團練守捉使上柱國贊皇縣開國子李栖筠資朴厚之性秉禮義之宗其學博而精其文簡而當明以辨政居官可紀秩更三

署名重一時抗黃扉之論駁舉冬卿之典制自守毗陵
尤精藩職初剪橫江之盜猶多擊析之虞言撫傷殘克
施惠訓清靜少欲以臨其人禮讓之風行於東國考其
績用實最方州震澤之北三吳之會有鹽井銅山有豪
門大賈利之所聚姦之所生資於大才濟我難理加以
中憲雄茲按部慎乃教令薄其征徭無倚法作威無割
下附上勉副朝寄以綏一方可使持節蘇州諸軍事蘇
州刺史御史中丞充浙西西道觀察使處置都團練守

捉及本道營田等使散官勲封如故

加江西魏少遊刑部尚書制

勅古者外薄四海咸逮五長所以考察風俗懋宣理化
苟或副憂人之旨有稱職之名彰善陟明存乎著令金
紫光祿大夫使持節都督洪州諸軍事行洪州刺史兼
御史大夫充江南西道都團練守捉觀察處置等使上
柱國鉅鹿郡開國公魏少遊端懋精敏沉和貞簡秉心
以直臨事不回五踐天臺必辨疑而取正三尹京邑不

吐剛而茹柔守其至公休有令問自十連分寄九江作
牧式是方隅不渝操履停車決訟閉閤生風明示昇黜
蠲除疾苦清靜而百城自一作化講藝而三軍知禮定
其賦稅之差勤於轉輸之役事必條理人皆便安亦既
政成不資於周月遷其秩序豈待於滿歲宜分會府之
坐載美方州之績可檢校刑部尚書洪州刺史御史大
夫餘如故

加朱希彩幽州管内觀察使制

勅古以五長八使考察風俗章善禪惡時而颺之則監部廉部其理也今之元戎有聲績優異者錫命兼領亦進律之制焉而又實其封邑蓋申之以明勸開府儀同三司試太常卿兼幽州大都督府長史御史大夫持節充幽州節度兼營田等副大使知節度事經略軍使兼盧龍節度并管內支度營田及押奚契丹兩蕃等使上柱國朱希彩貞方以合義純厚以納忠智謀濬發才識精辨作我垣翰保于幽燕講求刑禮以叅軍政敦洽敬

讓以合人心正其綱條郡務大舉東罷渡遼之警比清
戴斗之氣疆吏緩帶戎車稅款典從事間方面以寧厥
賦惟錯實於天府選勞則大銘在旂常勤職首公有先
相寄委以連率加其真食懋乃勲節服茲寵章可兼充
管内觀察處置使仍賜實封一百戶餘並如故

授辛京泉湖南觀察使制

勅觀察列郡之風督諸軍之事兼茲二柄守分一方其
在素名俾之專任開府儀同三司試太常卿兼御史中

丞同朔方節度副使上柱國晉昌郡王辛京果居敬可
久盡忠必誠精辨郡務通於典試謙恭下士齊其勞苦
先帝簡拔五原從征嘗叅領護早著勲節藩麾佐朕夷
險一心關洛事平莫非謀勝累書忠於甲令終不言於
賞勞尋掌南北之軍復二河汾之鎮內外勤績厥惟茂
哉憂國奉公每形于色牧人馭衆素有其才長沙故郡
湘中千里往建南轅之旆仍領司空之秩訓戎遵俗寵
以居之可使持節都督潭州諸軍事行潭州刺史兼御

史大夫充湖南都團練守捉及觀察處置使仍賜散官
勲封如故

授衛中行陝州觀察使制

元

稹

集無

勅邵伯聽事於棠陰之下而人勿翦其樹我知之非忠
信仁愛以得之耶今自關東由洛而右數百里之地盡
置為輜車臣所理蓋有以表率方夏張皇京律聿求其
良用副憂寄朝請大夫守華州刺史兼御史中丞衛中
行始以詞賦深美軒然有名甲乙符昇遂拾青紫逮其

書命文鋒益銘能擐菁華以集麗則出補近郡號為廉
能勤而不煩簡而不苟郊迓館穀賓至如歸長劬農人
咸用胥悅移領巨鎮疇將爾先况封壤因連習俗叅合
用之政又闕陝之毗吾固有虞於爾矣至於觀聽他邑
儀刑下僚旁臨傳說之巖特假趙堯之印遺風未泯官
業具存苟能行之無患不至可守陝州大都督府長史
兼御史大夫充陝號等州都防禦觀察處置等使

授巖墓桂管觀察使制

白居易

勅漢置部刺史掌奉詔條糾吏理蓋今觀察使職耳桂
林秦郡也東控海嶺右扼蠻荒自隋迄今不改戎府地
遠則權重俗殊則理難馴而化之非才不可朝議大夫
前守秘書監驍騎尉賜紫金魚袋嚴暮嘗守商洛刺黔
巫州部縣道謚然安理是能用寬猛相濟之政撫夷夏
雜居之人故也跡其徃効式在是集作南邦况爾操行端
和文學精茂賓寺書府善于其官勉副前言佇申後命
可使持節都督桂州諸軍事守桂州刺史兼御史中丞

桂州本管都防禦觀察使處置使散官勳賜如故

授丁公著可檢校左散騎常侍守越州刺史充

浙東觀察使制

勅古者通守之土

集作選
守守土

刺史按部從宜務簡今則合

之故任日崇而選日重非廉平簡直兼愷悌之德者曾
不足中吾選焉尚書工部侍郎集賢殿學士丁公著常

集作
嘗

以學行以

集無
以字

禮法誨予一人報德圖勞連加寵

擢起曹書殿兼而委之二職增修三命益敬朕以涖河

之左抵于海隅全越奧區延袤千里宜得良帥俾之澄
清徃分吾憂無出爾右假左貂而帖中憲操郡印而握
兵符勉哉是行佇聞報政可依前件

授盧士玟瀛州觀察使制

勅夫疆理天下懷

集作

制四方乘時省置何常之有故

方隅未寧務先經畧則專委方伯以摠統之及兵草甫
定思弘風化則並命連帥以分理之朕常以幽薊一方
環封千里延袤廣莫專制實難屬元戎改轅新帥進律

因而制置以叶便宜蓋王者施張變通之要也京兆尹
盧士玟為人端和蒞政寬簡自尹京輦人甚便安今司
徒總籍甚爾名叶從人望河間列郡乞委士玟因而可
之必易為理况新造之府經始之政勞徠安輯是爾所
能俾并珥貂集作俾珥左貂兼執中憲寵任不細勉哉是行可
使持節瀛莫等州管内觀察處置等使檢校左散騎常
侍兼御史中丞餘如故

授范傳正宣歙觀察使制

勅古之諸侯三載考績選其賢者命為長率所以觀集作

勅功行而興理化也蘇州刺史范傳正文學政事二美

具焉選自郎署出分符竹江南列郡連領者三所至之
部悉心為理明諭朝旨恭守詔條謹身省事以臨其下
政簡而肅意誠而明吏不能欺人是以息而去思之歎
來暮之謠復有關於人聽雖古循吏蔑以加之朕以陵
陽輿壤土廣人庶其地險要集作有險所寄非輕跡其前効
可當此選况黜歛之遺愛尚在吳興之新政方播昇車

便道足慰人心固當望風自安計日而理倚注於是爾

往欽哉可

集作倚注於爾
往宜欽哉可

授裴堪江西觀察使制

勅江西七郡列邑數十土沃人庶今之與區財賦孔殷
國用所繫茲為重寄宜付長才同州刺史裴堪素蓄器
幹久經任遇日者資其忠諒入為諫議大夫藉其良能
出為左馮翊曾未周歲政立績成區區一郡未盡其用
鍾陵要鎮可以委之夫簡其條章平其賦役徇公率正

以臨其人而人不安未之有也祇服厥命往修乃官仍
兼中憲以示優寵可江西觀察使兼御史中丞

授薛伾鄜坊觀察使制

勅鄜時延安抵于中部羌夷種落散在其間戎夏雜居

易擾難理宜選寬明之使通知邊事者委以節制

集作符節

而糾綏之右金吾將軍薛伾服勤戎職練達吏道出入
中外綿歷歲年能一乃心以宣其力自加寵遇再執金
吾徵巡有嚴夙夜匪懈在公若是何用不臧况為人沉

靜外和內肅守封禁俗是其所能

集本作內肅外和按俗守封是其所善

宜

輟務於誰何俾宣風於廉察庶乎勞徠諸部綱紀列城
奉詔條以安人叅戎索以訓旅欽承厥命往服乃官仍
踐冬卿式光重寄可檢校工部尚書充廊坊等州觀察
使

授李納浙東觀察使兼御史大夫制

杜牧

勅仲尼以舉賢才則理大禹以能官人則安况西界湖

河東淹左海機杼耕稼提封七州其間繭稅魚鹽衣食
半天下不有可仗豈宜委之正議大夫使持節華州諸
軍事守華州刺史兼御史中丞充潼關防禦鎮國軍等
使上柱國隴西縣開國男食邑三百戶賜紫金魚袋李
約溫良恭儉齊莊中正實以君子之德華以才士

集作人

之詞踐

集作揚

歷清顯昭彰令聞輟自掌言式是近輔子

貢為清廟之器仲弓有南面之才智莫能欺剛亦不吐
表率教化皆有法度今者兵為農器草作軒車言於共

理在擇循吏是故用已效之績託分寄之任擁舊旆而服玄玉化千里而有三軍儒者之榮莫過於此孔子曰仁者愛人智者知人愛人則疲羸可蘇知人則才幹不棄土宇既廣殺生在我達此二者可以報政榮加副相用壓大邦爾其勉之無忝所舉可使持節都督越州諸軍事守越州刺史兼御史大夫充浙江東道都團練觀察處置等使散官勳封賜如故

授紇干泉江西觀察使制

崔 嘏

勅鍾陵與區楚澤全壤控帶七郡襟連五湖人推征賦
之饒俗擅魚鹽之利靜則易理動則難安思得良能以
臻富庶選求之下是舉僉諧中書舍人紇千泉氣惟雅
茂才實變通黃鍾涵待扣之音青萍蓄善割之用早以
俊造播其馨香霜臺竦介立之標蘭省尉和光之操洎
司綸綺益茂聲猷粉澤惟工克贊鳳池之美溫華自潤
皆推鴻筆之資蘊商也之文可以華國布求也之政可
以觀風是用輟於演綸付之廉問必能宣我大化蘇其

遠人佇聞來暮之謠必有借晉之思爾其簡以臨衆清
而自持惠養益厚於疲羸操斷無遺於桀驁一方之任
不愧於前賢五字之精永光於禁掖仍加中憲式峻外
臺可

授鄭亞桂府觀察使制

勅地連五嶺川東三江直千里之奧區雜夷風之阜壤
靜則可理動而難安思得長才以綏裔俗求於僉論多
曰汝諧給事中鄭亞識洞古今情惟端愿富三冬之精

學控六變之雄文早昇甲乙之科雅有詞華之譽周旋
粉署堂堂表題柱之榮糾正霜臺肅肅有埋輪之志人
推長者特許多能洎入贊黃樞超居青瑣彌縫闕漏袞
職以之無遺參酌憲章國典由其益振朕方弘理道志
切惠人精求庶問之才用廣移風之化爾宜將我誠意
布其惠和撫俗必務於潔庶奉已宜思於簡儉無以地
遠而忽其簿書無以官尊而怠於統馭將期富庶必在
嚴明永我寵榮勉思報効



文苑英華卷四百八

欽定四庫全書

文苑英華卷四百九

宋 李昉等 編

諸使二

防禦使

授韓洪山南東道防禦使等制 賈 至

勅襄陽太守韓洪左補闕韓絃等令德之後象賢而立
克先代業不墜家聲或謀府冲深才膺鎮禦或文律典
麗詞叶絲綸今寇虐未清邦家多事用武之地宜徵奇

傑掌翰之職故

一作

擇英髦洪可山南東道防禦使絃

可考功員外郎知制誥

授竇紹山南東道防禦使等制

門下永王傅竇紹侍御史崔伯陽等強學立名檢身從
政實有忠貞之操仍兼鎮禦之才荊州上遊襄陽衝要
北據漢沔利盡南海連綴吳蜀非才勿居永思諸葛之
謀佇振祖生之任紹可江陵防禦使伯陽可襄陽防禦
使餘並如故

授李廣琛江南防禦使制

勅前蜀郡長史李廣琛閑邪存誠貞固幹事或因旁累
往從遷謫凶逆未翦江介多虞式遏寇戎是仗才傑建
康巨鎮長洲右苑使臣之選咸曰其難勗乃謀猷佐斯
旄鉞可守丹陽太守

授魯冕襄陽郡防禦使制

勅成允成功者才也確乎不拔者節也惟才與節可以
戡禍亂定邦家南陽太守魯冕忠肅懿文仁而能武歷

危難之隙見貞固之誠自翰守南陽載離寒暑城孤師
寡負尸以汲虜不得進江漢賴寧古之忠賢無以加也
夫功崇者則授以高位才大者必委之厚權漢水方城
國之要害宜加亞相之任兼收御衆之功

一作兼收
南雍之人可

依前件

授元載豫章防禦使制

勅荆吳之交撫之以連率貢賦所入董之以使臣非通
才多可昌稱斯任守職方員外郎元載識度明允幹能

貞固懷龍泉之利器抱鴻羽之榮姿彌綸典章能練南
宮故事精詳政理嘗聞五府交辟豫章雄鎮襟帶江湖
干戈始寧安人是切俾爾藩守緝熙殿政可豫章太守

授杜濟東川防禦使制

常 袞

勅在

疑作左

綿之東地方千里有被山帶江之險藉安人

禦侮之能太中大夫檢校尚書駕部郎中兼侍御史充
山南劍印副元帥判官勾當劍南東川事賜紫金魚袋
杜濟明敏通識達於政理本以忠信飾之文學利器能

斷長才多可累佐戎幕勤宣武經於蜀之疆積有邊效
九伐之謀必勝三軍之士多師選在人望委茲藩守用
能訓其師旅惠此閭閻俾叅中憲之任兼懋臨戎之績
可使持節梓州諸軍事守梓州刺史兼御史中丞充劍
南東川防禦使散官賜如故

授栢貞節夔忠等州防禦使制

勅開府儀同三司試太常卿使持節邛州諸軍事兼邛
州刺史御史中丞南防禦使及邛南招討使上柱國鉅

鹿縣開國子栢貞節雅有器幹深於戎律蘊三界以經
武秉一心而事君蜀之西疆久典戎務惠和馭衆義勇
安邊克勵公忠尤彰名節令聞休績良深嘉重山破雄
重鎮一作江關要衝實藉兼才俾膺茲任佇申禦遏之用
仍懋緝綏之術可使持節都督夔州諸軍事兼夔州刺
史依前兼御史中丞充夔忠萬歸涪等州都防禦使本
官勲封如故

授高重同州刺史兼防禦使制 李虞仲

勅漢號左馮翊分理浩穰近者非清名顯秩不在茲選
正議大夫行給事中上柱國渤海縣開國男食邑三百
戶賜紫金魚袋高重沉厚守道貞介操身以禮法為踐
履之途以學行為游泳之地堅金不耗止水無波穆然
士風休有羨論屬者侍周禁署駁議瑣闥重席有戴憑
之名通經得陳邵之美侍從之暇附益弘多移於牧人
宜有善政吾以商原故地澧水攸同襟帶山川接畛甸
服掌離宮之管鑰領近關之式遏俾揚風化思得兼材

爾宜提舉政經蘇息物力清靜率下以奉詔條用答寵
榮勿替休問可使持節同州諸軍事同州刺史充本州
防禦長春宮等使散官勲封賜如故

授李偲隴州刺史兼防禦使制崔 嘏

勅隴陝之西地連蕃境雖舅甥和好絕塞無虞而邊徼
撫循長才以藉爾武能禦寇智可圖功早推奉國之誠
共許統戎之畧及位分六校職長千夫彌彰夙夜之勞
益盡爪牙之用是思寵擢委以疆場爾宜推赤心以任

人勵玄甲而訓士約以奉已忠以報君無興踴虜之功

更許

一作起

事邊之計靜能制動安亦慮危勉而行之富

貴可保將表戎旌之盛仍兼專席之榮可隴州刺史兼

御史大夫充本州刺史防禦使

授李繼文隴州防禦使制

錢珣

勅旁據汧陽橫當隴首地有提封之盛軍多帶甲之雄
既用良材宜膺正秩具官李繼文久從戎旅深達機謀
忠信交脩德刑並務御衆而推勞必報徇公而約法甚

明元帥上聞朝章可舉兼進祝鳩之命更揚建隼之威
夫牧伯之居憂寄寔重使功名之充位在富貴而可圖
已列諸侯勉為政事可依前件

授潁州刺史充本州防禦使王敬羗加檢校太

子太保制

勅書云若網在綱有條而不紊故國家化條施於天下
者牧伯謹而舉之政不紊矣其官王敬羗始學司馬法
克勵諸侯劬奮之以果敢之氣濟之以練達之謀自握

郡符頗圖成績潁水則清年數且深理濟彌遠耕桑滿地一作野不奪農時卒乘在軍未忘武備遂得見稱元帥是當善舉化條保民之宗增秩甚貴吾用漢家之典爾登循吏之名更務克終斯為守貴可依前件

授齊州刺史充武肅軍防禦使朱玘加檢校司

空制

勅歷下名地也司空貴秩也處名地而增貴秩者非夫稱推澤洽物情焉得獨受寵章重宣王化具官朱玘當

年思立學武有經固忠順之本根以機權為枝葉且能
刺部兼務睦隣酌寬猛以守常就變通而處衆為善難
掩不伐愈彰見求福於自謀信唯人之可名乃行茂典
用叶公言可依前件

授鹽州刺史李太直充本州防禦使制

前人

勅有土之寄帶夫

一作唐

郭者不其難乎鞠旅所以謹提

防揚威所以遏淫蕩試材既可正秩無疑具官李太直

昔爾伯氏嘗居五原以墳麓相和之勞致邊境無虞之
樂而天倫有戚戎律可歸乃自人情繼臨軍政勇則匪
恕智必好謀知金湯不在乎城池而耳目不專於旗鼓
勤於宣礪一作勵又作力別用壯心去假守之舊名當諸侯之
高位更圖善最無恃寵休勿使漢家獨稱魏尚可依前
件

授前河西防禦押蕃落等使馮繼文檢校工部
尚書依前充河西防禦招撫等使制

薛廷珪

勅迺眷西梁為吾右地襟帶河曲屏制蕃使厥土豐穰
其俗信厚委之鎮撫率仗勲勤不有奇材孰膺妙簡具
官馮繼文傳符圮上擅價山西敦詩書設預備之謀脩
禮樂為戰爭之器能知軍誌雅有戎容明斥候而辨孤
虛恤士伍而愛君子決戰百勝彎弧六鈞動惟鷹揚靜
則山立乃者仗其韜畧錫以土疆旌旗啓行虵豕當路
既沮已成之命能安靜勝之謀欽屬久勞名器斯在爰

卷四十九
昇喉舌再統貔貅復我舊恩成爾夙志防禦西夏控壓
三州爾其敷我憂勤宣我教化無禮必敗好戰則亡戢
兵而善撫疲人殷備而自求多福祇予恩寄佩我訓詞
報政可觀陟明斯在可

團練使

授辛德謙丹延團練使制

常 袞

勅上郡北地義渠故國臨制戎狄屏于關中當此襟要
難於鎮守前朔方留後左廂兵馬使同節度副使開府

儀同三司試太常卿兼御史中丞單于副都護充振武
軍使上柱國辛德謙山西出將代有勲業長才偉畧主
之以忠峻節明斷服之以禮項者職貳留府朔重

一作垂

分鎮橫絕大漠堅守孤城能詳武經載討軍實推以恩
信濟其威懷士卒知方羌夷服化休有茂績著於北邊
用觀勞臣俾膺重任委以藩事捍茲戎疆列在儲案之
右叅於憲臺之長中外兼榮服我嘉命可試太子詹事
兼御史大夫持節都督延州諸軍事兼延州刺史充丹

延兩州都團練使守捉使散官勲封如故

加韋之晉御史大夫制

勅古有牧伯連率所以大明黜陟其後廉使監郡亦其任也奉六條詔書察二千石已下風化綱紀實所繫焉時居部稱最則當遷復留以德授賜今或增秩存於令典銀青光祿大夫檢校秘書監兼衡州刺史御史中丞充湖南都團練守捉觀察處置等使上柱國扶陽縣開國男韋之晉以道自處行成于身言合精理文多雅興

學以潤政當孔氏之徒忠而好謀得兵家之要委在方
面實叅戎重鎮衡陽之一都刺湘中之諸郡清靜廉簡
以禮化之三老孝悌遵其德訓百城強猾服其威懷薄
刑名以宣慈均賦役而恤隱地臨南越溪洞伏戎能清
篔竹之風屢入苞茅之貢事各條理俗皆便安非大信
至公何以臻此處風憲之長旌理行之尤彰善勸能允
茲休命可兼御史大夫餘如故

授崔昭宣州團練使制

勅宣城彰

一作附

郡有牛渚介石之險江左多以護兵之

臣鎮焉國家舊制即廉使之部任兼將守寄功於今始

一作姑

務靖人中符朝美銀青光祿大夫守右散騎常侍

博陵縣開國子崔昭長才大畧濬發無前納忠事君強

學濟吏何劇之不處何難之不居嘗領雍洛屬當殘弊

令簡訟平官曹肅給懲姦攝暴都鄙以清風化可行於

四方歌謠豈止於千里故事憂國始終端誠再列貂行

久承顧問從容喻旨軒闥增華方賴於左右羽儀以之

匡益外中委遇其分一也急在要重時而迭之察俗訓
戎歸於辨理叅執閑邪之憲仍加馭貴之爵奉法遵職
俾人易從可使持節宣州諸軍事宣州刺史兼御史中
丞克宣欽池等州都團練守捉及觀察處置等使并採
石軍仍進封博陵縣侯食邑一千戶散官如故

授陳少遊浙江東道團練使制

勅東南一尉在吳越之境海隅蒼生連甌閩之俗既分
八使兼督諸戎祿勲任良以濟煩重朝散大夫宣州刺

史兼御史中丞宣歙池等州都團練守捉及觀察處置
等使上柱國賜紫金魚袋陳少遊清亮肅敬識通才達
度於禮而舉得其中積於理而動必歸當叅考經術交
脩政刑歷三臺之郎吏首四方之俊選左輔內史嘗寄
風化中軍大夫實毗鎮撫事任皆適聲華朗然自彰疑
郡分憂于湖中做悉心以周務忘己以愛人舉綱條之
目繕完守之備忠敏內緝服而不離威畧外懷親而不
暴載清苛慝盡復流庸雖膠東之戶口八萬潁川之理

行第一殆無以過也明試以功允茲章陟稱遷大鎮用
表懋能仍副丞相以戒羣岳可使持節都督越州諸軍
事守越州刺史兼御史大夫充浙江東道都團練守捉
觀察處置等使散官勲賜如故

授魏少遊洪吉等州團練使制

門下東分九江南控百越總兵車之會當水陸之衝式
遇澄清實難其任金紫光祿大夫行尚書刑部侍郎上
柱國鉅鹿郡開國公魏少遊當官而行直道而進有剛

毅能斷之性予之以冲和有精密至察之才濟之以仁
恕三尹京邑四方承流不私身以飾名多去思之遺愛
秋典貳職夏臺無寃海隅蒼生疇咨俾乂眷求良吏出
守雄藩宜兼亞相之重式光連率之寄可使持節都督
洪州諸軍事守洪州刺史兼御史大夫江南西道洪吉
虔撫信袁江饒等州都團練守捉觀察處置及莫僮等
使散官勲封如故

授象武感疊宕等州團練使制

勅開府儀同三司試先祿御使持節扶州諸軍事兼扶
州刺史攝節度副使扶文兩州招討團練使兼綿劍龍
遂渝合普漢扶文等一十一州行營兵馬都虞候上柱
國交川郡王象武感器幹識畧資之以經遠公忠廉謹
守之而有常早探黃石之符久列朱轡之任外鄰戎境
內撫疲民誠信不渝威懷相濟克懋分憂之化尤彰式
遏之勲右地數州尚多艱阻將論疑朝旨以綏邊虞不
有兼才孰能成務俾參戎重之副仍錫賞延之寵可試

殿中監使持節疊州諸軍事兼疊州刺史充本州團練
守捉使兼充疊宕兩州招討使同隴右節度副使仍與
一子六品官賜緋魚袋勲封如故

授獨孤問俗鄂岳等州團練使制

前人

勅荆吳邊帶之口江漢朝宗之會尚有戎備難於任人
外攘內撫文武迭用銀青光祿大夫試秘書監壽州刺
史兼侍御史本州團練守捉使及諸道營使下

疑

本州

營田使上柱國獨孤問俗才暢於理識通於政居之以
簡敬濟之以廉能中朝清秩更於獎拔外臺雄鎮多所
典領嘉績休聲較然明著壽春之課尤最當時守於一
郡未展其用可以倚辦煩重保綏險要督數郡之戎事
叅中司之憲列陟明增秩懋爾在公可使持節都督鄂
州諸軍事鄂州刺史兼御史中丞充鄂岳沔等三州都
團練守捉使散官勲如故

授李昌岨辰錦等州團練使制

勅彊楚之裔古之蠻方雜武谿之種落通夜郎之邊壤
唐蒙開道馬援南征即其地也國朝舊制方數千里悉
統於連帥今以遐闊難守遂分督以綏之正議大夫試
先祿卿前兼海州刺史李昌峩素有識畧達於事體剛
柔相濟文武中立居職可紀寶浮於名廼者以幹時之
才刺瀕海之郡惠和簡潔所謂理平思我遠人眷求良
吏撫辰陽之舊俗攘縣道之多虞訓戎數州俾爾專任
叅領中憲式榮按部可試秘書監使持節都督辰州諸

軍事辰州刺史兼御史中丞克辰溪巫錦業等五州都
團練守捉使散官如故

文苑英華卷四百九

欽定四庫全書

文苑英華卷四百十

宋 李昉等 編

郡牧一

諸州刺史

授成善威等刺史制

李 嶠

驚臺壯武將軍行定王府典親事典軍上柱國成善威
効績藩邸宣功戎陣新除中大夫守甘州刺史上柱國
卜處冲久叅武衛夙奉文貌一作挽張掖遐陬老綿故俗

地連荒憬人藉撫循寄以皇華

一作厚城

佇觀美績善威可

使持節甘州諸軍事守甘州刺史處冲可使持節龍州
諸軍事守龍州刺史散官勲如故仍並馳驛赴任主者
施行

授坊州刺史豆盧志靜等官制

驚臺太中大夫坊州刺史上輕車都尉郢城郡開國公
豆盧志靜等登朝受服咸積歲年蒞職當官並有聲稱
與我共理實存咨岳代天無曠受任得人分命良材佇

觀美績可依前件主者施行

授源復等諸州刺史制

孫遜

門下太中大夫使持節徐州諸軍事守徐州刺史上柱

國源復等雅才清識踐行立名政表於良康

一作良

歌聞

於是賴或歲年滋久必在於更遷或風俗異宜各期於
適用俾膺俞往以副僉諧可依前件

授韓朝宗等諸州刺史制

門下朝請大夫使持節都督洪州諸軍事守洪州刺史

上柱國長山縣開國伯韓朝宗等開濟宏才弘深雅量
或累升清要常展用於高資或頻膺刺舉久馳名於列
郡振其淹滯任以器能宜遞遷於遠近俾更踐於中外
可依前件

授元彥冲等諸州刺史制

門下理人之吏深誠於數易度才而遷必憑於久次朝
議大夫使持節都督越州諸軍事守越州刺史元彥冲
等幹能自達政術有聞化行一郡並逾四稔克慎終始

不憊名實宜有遞遷更膺分命書不云乎三載考績黜陟幽明舊章則然古制斯在今所進轉皆為限約並須畫一無相奪倫庶懲欲速之人將致有常之化凡厥共理宜悉其心可

授崔翹等諸州刺史制

門下中散大夫前使持節滑州諸軍事守滑州刺史上柱國崔翹等詞學為門貞廉作吏並久從官序能効公心禮及既祥皆聞於俯就才有所適宜在於分官可依

前件

授宋樽等諸州刺史制

門下朝議大夫前使持節仙州諸軍事守仙州刺史上
柱國宋樽等或郡國良吏或朝廷吉人咸勵厥躬克勤
于位循名考行揆務量能宜受命於分官俾呈才於庶
績可依前件

授張敬輿等諸州刺史制

門下太中大夫使持節鄭州諸軍事守鄭州刺史上柱

國張敬輿等克脩名操久踐衣冠咸適用於當時各効能於列郡風謚具舉歲序皆深魯是移官用叶平分之義或因去職宜承並命之恩可依前件

授崔璋等諸州刺史制

門下中散大夫守將作少匠上柱國崔璋等名跡脩謹藝能該博或累升清秩或久踐通班三年有成各呈才於外郡庶官無曠咸勵節於中朝重寄所難分憂是屬宜膺稍遷之舉用叶汝諧之命可依前件

授秦昌舜等諸州刺史制

勅中散大夫守常山郡太守秦昌舜等器能足用政術多方項在列藩皆聞致理或居官已久或去職當遷長史缺官中朝慎擇宜膺並命更委親人可依前件

授劉體微等諸州刺史制

門下太中大夫前使持節鄭州諸軍事守鄭州刺史上柱國博陽縣開國男劉體微等器能具舉言行兼資嘗踐郎官頻更史職令名無替成績有聞宜受任於藩邸

俾榮遷於郡國可依前件

授裴煒等諸州刺史制

門下中大夫前守安定郡太守裴煒等位分中外名著
朝廷或課績多年或招輯成政禮云終服官以授人舊
章斯在新命宜及俾膺藩岳之任更展循良之稱可依
前件

授魏哲等諸州刺史制

門下前欽州刺史魏哲等以能入仕以疾廢官頃曾罷

歸亦云淹久勿藥有喜既善攝生之術度才而用宜承
舉滯之恩可依前件

授李昇朝等諸州刺史制

門下亳州刺史李昇朝等並膺特選俾踐官資才器則
殊行能皆著或居喪之禮俯就於外除或同氣之親有
妨於聯事或近停郡職或久滯王門宜各稍遷俾從分
命可依前件

授季良等諸州刺史制

門下守太子中允李良等早推言行兼有幹能從官必
聞服勤斯久分憂是屬慎擇為難宜副恤人之心俾諧
良吏之選可依前件

授韓察等明通沔三州刺史制 元稹

勅朕子育兆人慄乎懼一物之不至將我德澤流布於

集作遠邇者其惟良二千石乎朝議郎前守京兆府富

平縣今賜緋魚袋韓察等久於吏職皆著能名或常奉
詔條風聲尚在或歷居郊甸惠養有方命汝臨人勿違

其俗夫明近於海懦則姦生通適於已急則吏擾汚當

津會滯則人怨

集作怨起

推是三者引而伸之然後可以分

吾

二字集作憂人之

憂矣爾其勉之可依前件

授蕭睦鳳州周載渝州刺史制

勅前劔南三川權鹽判官殿中侍御史內供奉蕭睦前
知鹽鐵轉運山南東道院事殿中侍御史周載等田文
學古施於有政三驗所至莫匪良能河池近藩南平東
險綏戎阜俗必藉長才副我虛求

一作懷

牧茲凋廢事特

農勸用節人安三年有成惟乃之效睦可鳳州刺史載
可渝州刺史

授元興

集作真
下同

等抗濠欽泗

疑

作

諸州刺史制

前人

勅朝散大夫守饒州刺史元興等自天子至于侯甸男

邦小大之勢

集作
勞非

不同子育黎元其揆一也是以郎官

出宰百里牧守人為三公此所以前代稱理古也近俗

偷末倒置是非省寺以地望自高郡縣以勢卑自劣盤

牙不解稂莠不除比比有之患皆由此起今餘杭鍾離

新安順政乃興州三有財賦集作月一隣戎狄將有所授每

難其人以與之理謀甄明以弘度之奏議詳允以學亮

之學古從政以達集作公遠之守道立身僉命為邦庶可以

勝殘集作庶可勝殘而去殺矣各奉詔條用慰甄獨可依前件

授楊潛洋州刺史李繁遂州刺史史備濠州刺

史等制

白居易

勅朝散大夫守尚書金部郎中上柱國楊潛溫厚靜專

有端士之操朝議大夫前使持節吉州諸軍事守吉州
刺史上柱國襲鄴縣開國侯李繁精強博敏有才子之
稱將仕郎前使持節光州諸軍事守光州刺史雲騎尉
史備變通健決有能

良集作

吏之用而皆

良集作

本於文學

輔以政事為郎見其行為郡聞其聲夫洋東梁之險遂
居蜀之腴濠楹淮之要三者皆名郡也今吾提三郡而
委之三吏得不思勤儉教導勞來安輯膏雨吾土而襦
袴吾人者乎潛可使持節洋州諸軍事守洋州刺史散

官勲如故繁可使持節都督遂州諸軍事守遂州刺史
散官勲封如故備可使持節濠州諸軍事守濠州刺史
充本州團練渦口西城等使散官勲如故

授周愿衡州刺史尉遲銳漢州刺史薛鯤河中
府少尹等制

勅前復州刺史周愿等夫勞者之思休息病者之思救
療人之本情也今兵戈甫定物力未豐如聞湘衡巴漢
之間人猶疲困宜擇良二千石俾休息而救療之而愿

銳鯤等前以符竹分領三郡皆有善政達于朝廷舉課
考能無愧是選息勞救病其有望於汝乎河中吾之股
肱郡也貳尹職而佐府事者亦在得人命鯤處之無荒
厥職可依前件

授韋彪王府長史楊歸厚唐州刺史劉曼雅州

刺史等制

勅帝彪等善官人者先考其能然後授以事任使輪轅
鑿柄各適其用則郡職庶政得以交脩今以彪官久年

高勣於為政俾從優逸入補王宮以歸厚文行器能辱

在巴峽勵精為理績茂課高區區方集作萬州豈盡所用

宜移大郡稍展其集作奇才以是早著戎功通詳吏事西

南物土罔不周知習俗從宜宜守巖道分命以職各用

所長庶乎咸脩乃官同底于理可依前件

授鄭公逵王府長史李循興州刺史制

前人

勣鄭公逵等或以行稱或因集作以才舉進脩所致班秩

不卑改命序遷各適其用且乘朱輪於國

集作郡

郎曳長

裾於王門士夫之子名官至斯亦不為不遇也立朝案部各敬爾官可依前件

授李諒泗州刺史兼團練使當道兵馬留後兼

侍御史賜紫金魚袋張愉岳州刺史制

前人

勅扼淮壓湖之列城曰泗與岳州車會焉軍戎屯焉是二郡守不易為政先是守領者多會有故歲時罷去長

吏數易人必重困宜擇良二千石救而養之以諒自登
城長訖尚書郎中間又再為州牧三宰劇縣皆苦心卹
隱煦嫗及物操刃決滯表騷有聲而愉亦學古入仕甚
自脩飾河西有政次於諒焉故命愉守岳命諒守泗仍
以戎職留事憲簡章綬一加於諒諒其聽之哉異日吾
將以重官劇職處爾爾安得不副吾所急用爾所長更
宜以難理之郡自試耳可依前件

授澧州刺史李肇中散大夫郢州刺史王鎰朗

州刺史温造竝朝散大夫等制

前人

勅朝請大夫使持節澧州諸軍事守澧州刺史上柱國
賜紫金魚袋李肇等乃者李景儉使酒獲戾而肇等與
之會合飲失於檢慎宜有所懲由是左遷分為郡守今
首坐者既復班列緣累者亦當徵還但以長吏數易為
其集作 弊頗甚况聞三郡皆有政能人方便安不宜遷換
故吾以采章階級並命而就加之蓋漢制進爵秩降璽

書慰勞良二千石之旨也爾當是命得不勉哉可依前
件

授李諒壽州刺史薛公幹泗州刺史制

前人

勅壽州刺史李諒等詩云愷悌君子人之父母朕三復
斯言徃徃興歎安得循吏俾父母吾人乎吾前命諒為
泗州未即路會壽守植卒因改諒守壽命公幹守泗諒
之理課前詔詳矣而公幹自尚書郎連領二郡政平法

一甚便於人加以有理戎之材可付留事故輟軍保一作
俾仍憲秩而兼寵之夫壽與泗皆郡之大者也諒與公
幹皆二千石之良者也以大郡委良吏不亦宜乎噫諒
無忘澄城之理公幹無替毫城之政則愷悌之化吾有
望於二郡焉各依前件

授王計萊州刺史吳暉蓬州刺史制

前人

勅吳暉等咸以材畧載筆從戎集作藝學智謀霈然足

用多歷年紀

一作祀

備嘗艱危進退周旋不聞失道司徒

弘正詳奏以聞因以竹符分命試吏而萊蓬二郡各介

一方牧人者但不擾其心不奪其力則雖華夷南北土

物不同皆可以自足自遂矣宜有

集作用

此道往安

闕

可依前件

除郎官分牧諸州制

勅漢宣帝云與我共理者其唯良二千石乎誠哉是言也

集無也字

朕每三復安得循吏副吾此心今之臺郎一時

妙選嘗經任歷率有才用雖典曹庀事其務非輕而邱
隱分憂所寄尤重是用竝命分牧吾人歲時之間期於
報政戶部郎中某可某州刺史吏部郎中某可某州刺
史朕高懸爵賞佇期酬効咨爾夙夜其念之哉無俾龔
黃專美前代可

授裴洌郭曠等諸州刺史制 李虞仲


勅朝散大夫前守蓬州刺史上輕車尉裴洌朝議郎前
守通州刺史賜緋魚袋郭曠等夫上之化下猶泥之在

鈞唯甄者之所為耳以爾等前所為政皆播能名人多
袴襦之謠理有綏定之績衡陽苞湖賦繁地闊允藉良
牧以扇仁風勉奉詔條陟明斯在利可守衡州刺史散
官勲如故臚可守利州刺史散官賜如故

授王承休等諸州刺史制

勅致果校尉守右監門衛將軍兼御史中丞王承休朝
議郎守太子少尹賜紫金魚袋王弘質等咸以事勞顯
於中外或武稱和義環衛有嚴或吏能適時長征攸佐

循其履歷頗謂優深寵以郡符俾洽條理夫以巴賈雜
俗山谷異宜必在通其有無繕其征賦勉茲勤卹用表
分憂承休可朝請郎使持節澤州諸軍事陵州刺史散
官如故弘質可使持節澤州諸軍事守澤州刺史散官
賜如故



文苑英華卷四百十

欽定四庫全書

集部

文苑英華卷四百十三
一至三

詳校官庶吉士臣柳邁祖

助教臣常循覆勘

總校官進士臣朱 鈐

校對官中書臣鮑之鍾

謄錄監生臣許紹錦

欽定四庫全書

文苑英華卷四百十一

宋 李昉等 編

郡牧二

諸州刺史

授竇弘餘加官依前台州刺史蘇莊除鄧州刺

史等制

杜 牧

勅朝散大夫使持節台州諸軍事守台州刺史上柱國
竇弘餘朝議郎前使持節處州諸軍事守處州刺史上

柱國賜緋魚袋蘇莊等南郡盜作而

一作時

蕭育拜河南

政美而寇恂留為人擇官因重而撫

集作因撫重之

考於兩漢

行古道也弘餘廉使上言父老有請其為政也長育多

方惠訓不倦凡設教令皆有科旨莊任南康悉心為理

謹身律下節用愛人南陽古都近者小擾臨海越俗尤

惜良吏就加起拜各協所宜仕至二千石可庇人矣無

異文律不自貴重副疲羸之望者須念終始坐狂愚之

罪者勿理深污各膺寵祿無忝分寄弘餘可檢校太子

右庶子餘如故莊可使持節鄧州諸軍事守鄧州刺史
散官勲賜如故

授李暨絳州刺史魏中庸亳州刺史曹慶威遠

營使等制

杜牧

勅中散大夫使持節亳州諸軍事守亳州刺史充本州
團練鎮遏使雲騎尉賜紫金魚袋李暨等昔貞觀末遣
孫伏伽等二十二人各以六條巡察郡縣以能進者止
二十八人獲死者七人流竄黜免僅千百輩以太宗皇

帝上聖憂勤之切百執事奉法公謹之心守臣為奸如此之衆况今黜陟久廢仕進多門緬思疲人每渴良吏牧守之念予常軫懷暨實文士出典兵郡不薄為吏愛我百姓盜賊奸宄寢而不作鰥寡孤獨皆有所養中庸再分符竹聞立善政凡為理者皆高仰之今用已効之才各委共理之任簿書刀筆俗吏云集作事耳慈惠教化君子宜之二者較然爾欲何取慶乃身帶兩綬兵分禁營得佩牛刀立於交戟歲有鄉里之譽克肖友悌之風

百里長人在王畿內各思答効無忝寵榮可依前件

授薛淙登

集作鄧

州任如愚信州虞藏玘邛州等

刺史制

勅朝議郎前使持節坊州諸軍事守坊州刺史薛淙等
仲尼對魯哀公曰人道之大莫先為政漢宣帝曰與我
共理者其唯良二千石乎念先師賢帝之言思疲人良
吏之選夙興夜寢不忘於此淙以文科入仕命守邊郡
屬當伐叛兵於其郊處劇不煩事叢皆辦如愚進以門

子屢為長吏其為政化可差古人藏圯與逢閱官簿而頗多言理名而亦著紹元嘗聞謹慎可宰百里已所不欲勿施於人無忘格言副我憂寄可依前件

授鄭液除通州刺史李象

集作蒙

除陳州刺史等

制

勅朝議郎守太原府晉陽縣令上柱國鄭液等今之郡守為人師帥宣上教化者也以液久在官途嘗宰大邑聞其為理人歌舞之以象執爨前驅予之雄也光祿護

塞居延視胡虜不敢窺士爭為死各委分寄實曰遷昇
通州雜以華夷淮陽兩有兵賦爾其往哉今用誠爾為
天子之守臣作百姓之長吏言於仕進可曰顯榮夫君
子之道先有諸已後求於人苟能律身始可檢下勉詳
詔令用謹理行從規始以門子入進恭謹無尤自州佐
而昇在朝班列五尚以集作職於三服亦為良遇無忝
官常可依前件

授王晏實齊州吳本初巴州陳珽集作涪州刺

下同

渝州刺

史等制

勅正議大夫前使持節淄州諸軍事守淄州刺史上柱

國大原縣開國男食邑三百戶賜紫金魚袋王晏實等

俟善政而後用或惜

集作蔑

無所聞滯序進之常途則怨

生於下古今政柄患斯二者晏實本初珽等三人入仕

年多亦嘗為郡聞無悔咎

集作吝

是熟詔條濟南跨河有

兵有賦巴渝夷俗慷慨豪健形於樂曲爾其往哉古人

有言曰予苟為善誰敢不勉身率以正孰敢不正欲謹

理行在於廉平弘宗清慎有餘王屬咸為羨秩銖以文學嘗佐賢侯作掾京兆亦曰羨仕皆有官業慎無自薄可依前件

授郭瓊渠州郭宗元興州等刺史王雅康建陵

臺令等制

前人

勅太中大夫前使持節文州諸軍事守文州刺史兼侍御史充本州鎮遏使上柱國郭瓊等潁山順政僻處山谷罕知文律易為欺奪瓊與宗元守郡宰邑聞無悔吝

爾其往哉仲尼曰正身而人正欲善而人善撫我疲俗
宜遵格言苟或不臧貽爾之戚雅康入仕嘗在班列青
宮贊導陵邑守奉若非謹慎不膺斯任可依前件

授吳從蓬州賈師由瓊州蕭蕃羅州刺史等制

前人

勅中散大夫前使持節柳州諸軍事守柳州刺史上柱
國賜紫金魚袋吳從等地遠京邑俗雜蠻夷不知文律
易為欺奪朝廷選置多無名人小則抑鬱不伸大則聚

以為寇蓬緣巴徼其風忿勁瓊處海外在兩漢時往往
小反羅居百越溪洞深阻咨爾三吏比者為郡亦報有
功勿以荒服侮我疲人或異詔條必置厥辟稍當叙進
優以上佐苟有聞見無忘裨助可依前件

授李褒刺史等制

錢翊

勅李褒等醫一郡之疾苦既藉良能理四方之滯寃必
資明慎二者生人之本也深詔執事精其選求以爾褒
瞳洎荆或清識雅裁為時雋才或檢操修身累居繩準

所至必留其風範當官克勵於霜標而承休前理蜀川頗聞嘉績是可以分我符竹光于省闈號略巴梁地清俗富刑曹粉署務劇望高遠副分憂勉思伏念褒可號州刺史常瞳崔荆並可刑部員外郎承休可果州刺史授傅德昭羅州刺史裴昶維州刺史趙贇崖州

刺史等制

勅具官傅德昭等建隼在旗畫熊當軾以物彰貴出守者兼而得之故用武以來惟功是賞厚為寵報多在勤

勞以德昭淬礪雄銳利若太阿之劍以袒展張勁力强於繁弱之弓以贄馳騁茂駿比於渥洼之馬而皆藏勲有籍秉節無尤既當行賞之倫宜受分憂之命勉為善政無病遠人可依前件

授劉玉新州刺史劉潜南五州防遏使高州刺

史制

勅具官劉玉等傳曰夫舉無他唯善所在吾閱二帥臣舉知之狀善則可甄而天下諸侯咸當共獎王室有以

忠而告我我必信而與之以玉勇望明堂用苞武庫訓
士則專於齊一理人必去其煩苛嘗涖南康且留遺愛
以潛好謀不惑任智能通仍懷恤隱之心頗慕狗公之
節因以牧養必致惠利是以復委詔條兼資禦過或進
寵移之秩或臨舊理之邦以玉之勇主於任以潛之智
立於事則吾南極之地又何憂乎黎庶哉可依前件

授成希戴忠州王進誠嚴州刺史等制

前人

勅具官成希戡等沂峽而上踰嶺而出其人多處險而錯居處險難制錯居難齊非嘗試其才素習其俗未可為其理也希戡以敏知變而不矜雄勇之材嘗試於忠人皆便之統帥上言乃命真守師長之秩諸侯所榮進誠自我入華久處遐徼之地習南方之俗思還其居勲師舉之刻印而當吾委寄咸被寵光處險錯居各懋為理可依前件

授陵州謝瞳兼御史中丞前舒州司馬倪徽端

州刺史制

劉崇望

勅某官謝曠等欽惟漢宣帝以英主御無事之朝尚思良二千石以之共理伊予冲昧適丁艱難每以一麾假人既重且慎每聞謝曠以勇誅暴而去害以義利物而移風儻願得之於一年宜用試之於千里聞爾倪徽久從進宦皆著任能委以方州冀為良牧吁含哺鼓腹是安人之謀留犢懸魚乃潔己之操惟一二之事皆古之賢刺史所行以為爾資庶洽予意有以憲承寵官攝之

任貂璫遷刺史之班予於疲黎無所愛惜吁往哉可

授鄭璩等諸州刺史制

薛廷珪

勅具官某等摠六尚於瑤墀分一麾於劍閣時之妙選
我有人焉以肱代濟科名業傳儒素弱齡勤苦壯歲遭
迴本推讓以待時竟漂零而從宦凌雲之稱徒見譽於
公卿栖棘之悲且未伸於霄漢以璩聯芳鼎族歷試宦
途使星屢應於旁求卿月再當其茂簡朕方將左蜀坐
委信臣言爾有材可使共理亦聞操劓雅適變通俞其

奏章是乃良牧惟茲殿省及爾郡符勉承刈楚之恩各
勵業官之志眷言郡政在去煩苛俾我遠人再蘇皇化
在據之此行也得不勉歟可依前件

授李充等諸州刺史制

勅具官聞爾充公相令子敦書業文有德守行科第好
爵公論許爾如拾地芥而孝於事親志在祿養束書投
筆甘從下僚縉紳之倫服爾異行逼之名器其心確然
且曰親念其兄官未達采蘭負米願悅晨昏而允祁節

著勤王功高捍忠心如皎日節貫秋霜屢委郡符猶同
畫餅忠臣孝子朕不敢忘勸善獎功於是乎在海隅之
郡各徇乃心嘉我遠人今得良牧勉於從政豈俟訓詞
各敬乃官無忝休命可依前件

授梁思謙龍州刺史竹文晟成州刺史等制

前人

勅成紀要衝江油興壤皆為重地今實優賢擇其守臣
必有所謂以爾具官梁思謙等負通變之材蘊縱橫之

術見可而進頗習於武經聞善若驚暗合於儒者或從
奏薦或恤滯淹戀我者移其一麾致之近地阻兵者換
其五馬惠彼疲人各俾分憂勉思布政清賢繼踵惠化
洽聞苟奉成規是為良牧惠茲惇獨往歌袴襦文晟思
謙服我明訓無忘勤恪戒於煩苛黜陟幽明典憲斯在
五兵五教仍以假之可依前件

授朱謙等諸州刺史制

勅朱謙等以謙一心許國四面受敵忠勇既完心城甚

固而陽言從征戍亟効勤勞淹留屢變於瓜時辛苦未歸於汶上惟銜言罷百里承之一麾亦聞政聲可使共理朕每思達聰明目以臨御寰瀛仗予有土之臣為我求人之瘼樂得良牧惠茲遐方並俞奏章各委頒瑞惟爾謙等欽予訓詞罔難懍嫠罔冒貨賄務遵典憲阜安遠人天聽甚卑愆則有辟可依前件

授翟州刺史張績等加官制

勅鄜之連帥以金紫光祿大夫前翟州刺史張績聞之

守臣以銀青光祿大夫前新州刺史虞戀來告我且言
績等求瘼分憂居其所部訓戎蒞俗政有可觀欲人聳
求理之心請我行陟明之典茲為急務聞斯行諸邦教
夏卿國之崇秩爰詔執事分而授之咨爾二臣膺我並
命循名責實得不勉之可依前件

授王宗夔宗韜印漢二州張無息蜀州刺史等

制

勅廣漢上腴臨邛古郡眷求牧守允屬忠勞具官王宗

夔等或鶚立轅門或鷹揚玉帳負偃革銷金之術蘊經
文緯武之機贊我蓋臣鎮于全蜀既練軍誌仍通政經
干將溢匣而有聲騏驥追風而絕跡今俾爾分吾憂寄
養我黔黎爾宜拔薤推心掛魚潔已勿為重斂戒在虔
刑務復憲章無取禍亂允祁奚之內舉撫文翁之舊封
敬服訓詞勤恤人隱而無息亦佩專城之印往俞連帥
之求無忘酌泉勉務為政黜陟之典朕不敢私惟爾三
臣礪乃一志與我共理期乎有聞敬之戒之自求多福

可依前件

授尚汝貞涪州刺史朱塘恩州刺史婺州刺史

蔣瓌檢校僕射等制

李 璣

勅朕思報功臣以郡事念遠人以司牧惟是二者寤寐
疚懷具官尚汝貞在先皇帝時扈鸞駕功高建隼旗布
政非時見代可為愍然具官朱塘將兵之材號為嚴肅
勞績聲著罷免歲深惟涪與恩遠郡之沃饒者也資人
以優爾亦資爾以救人且以玄武之尊夏官之長各從

官叙以寵崇之具官蔣瓌婺人言有政化懇乞增秩端
右之命以徇其請各堅爾志無或變渝可依前件

授康君立等諸州刺史制

勅康君立等夫文吏以儒術自進而牧人養物固其所
也而論者猶或嘉之而爾等各以軍功達於郡政可謂
難矣然武有七德而安人和衆在焉得非皆達其義耶
深惟勸能之方遂允為真之請可依前件

授朱誕等諸州刺史制

勅朱誕等並干鎔竒鋒崆峒勁氣或忠臣薦達播於文
武之間或軍功著明迴出輩流之右升遷委任無所偏
頗各竭爾才以稱吾意可依前件

文苑英華卷四百十一